



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ
ԱՎԱԳԱՆՈՒ ՈՐՈՇՈՒՄ**

21 դեկտեմբերի 2023 թվական թիվ 227-Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ
ՍԵՓԱԿԱՆՈՒԹՅՈՒՆԸ ՀԱՄԱՐՎՈՂ 08-007-0627-0001 ԿԱԴԱՍՏՐԱՅԻՆ
ՇԱԾԿԱԳՐՈՎ ՀՈՂԱՄԱՍԻՑ «ԼԱՕ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆԸ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ՊԱՏԿԱՆՈՂ
ՀԱՍԱՐԱԿԱԿԱՆ ԿԱՌՈՒՑԱՊԱՏՄԱՆ ՀՈՂԱՄԱՍԻ ԸՆԴԼԱՅՆՄԱՆ ՀԱՄԱՐ
ԱՆՀՐԱԺԵՇՏ ՀՈՂԱՄԱՍՆ ՈՒՂԱԿԻ ՎԱՃԱՌՔԻ ՄԻՋՈՑՈՎ ՕՏԱՐԵԼՈՒ ՄԱՍԻՆ**

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 21-րդ կետի, Հայաստանի Հանրապետության հողային օրնագրքի 66-րդ հոդվածի 1-ին մասի 8-րդ կետի և 2-րդ մասի դրույթներով, ինչպես նաև հաշվի առնելով, որ օտարվող հողամասը բավարարում է Հայաստանի Հանրապետության կառավարության 2016 թվականի մայիսի 26-ի թիվ 550-Ն որոշման 1-ին կետի 2-րդ և 6-րդ ենթակետերի պահանջներին և նույն որոշման 2-րդ կետի համաձայն չի դիտարկվում որպես առանձին գույքային միավոր աճուրդային կարգով օտարման ենթակա հողամաս, հիմք ընդունելով «ԼԱՕ» սահմանափակ պատասխանատվությամբ ընկերության տնօրեն՝ Արմեն Ռազմիկի Մուրադյանի դիմումը, Հայաստանի Հանրապետության Շիրակի մարզի Ախուրյան համայնքի ավագանին որոշում է՝

1. «ԼԱՕ» սահմանափակ պատասխանատվությամբ ընկերությանը սեփականության իրավունքով պատկանող (հիմք անշարժ գույքի նկատմամբ իրավունքների պետական գրանցման վկայական թիվ 809147), Հայաստանի Հանրապետության Շիրակի մարզի Ախուրյան համայնքի, Ախուրյան բնակավայրի, Գյումրու խճուղի, 21 հասցեի հասարակական նշանակության օբյեկտների կառուցման համար նախատեսված 1800 քառակուսի մետր մակերեսով հողամասի ընդլայնման համար, դրա հարևանությամբ գտնվող, Հայաստանի Հանրապետության Շիրակի մարզի Ախուրյան համայնքի սեփականությունը հանդիսացող 08-007-0627-0001 կադաստրային ծածկագրով հողամասից 875,76 քառակուսի մետր մակերեսով բնակավայրերի նպատակային նշանակության, այլ հող գործառնական նշանակության հողամասը հասարակական կառուցապատում իրականացնելու նպատակով, ուղղակի վաճառքի միջոցով օտարել ընդլայնվող հողամասի սեփականատիրոջը:

2. Սույն որոշման 1-ին կետով օտարվող հողամասի վաճառքի գինը սահմանել կադաստրային արժեքի չափով՝ մեկ քառակուսի մետրի համար 1221 Հայաստանի Հանրապետության դրամ: Հողամասի ընդհանուր արժեքը կազմում է 1069303 (մեկ միլիոն վաթսուներեք հազար երեք հարյուր երեք) Հայաստանի Հանրապետության դրամ:

Հայաստանի Հանրապետության Շիրակի մարզի Ախուրյան համայնքի ավագանու անդամներ՝

Կողմ - 22

Դեմ - 0

Ձեռնպահ - 0

- Ֆ. ԱՆՏՈՆՅԱՆ
- Ա. ԱՅՎԱԶՅԱՆ
- Հ. ԱՌԱՔԵԼՅԱՆ
- Վ. ԱՐՇԱԿՅԱՆ
- Ս. ԳՐԻԳՈՐՅԱՆ
- Ա. ԴՐՄԵՅԱՆ
- Ա. ՄՔՈՅԱՆ
- Ա. ԻԳԻԹՅԱՆ
- Հ. ԳԵՎՈՐԳՅԱՆ
- Վ. ՀՈՎՀԱՆՆԻՍՅԱՆ
- Ս. ՀՈՎՀԱՆՆԻՍՅԱՆ
- Ա. ԶԱԼՈՅԱՆ
- Ս. ՍԻՄՈՆՅԱՆ
- Մ. ՄԱԹՈՍՅԱՆ
- Ա. ՄԱՆՈՒԿՅԱՆ
- Զ. ՄԱՆՈՒԿՅԱՆ
- Ա. ՄԿՐՏՉՅԱՆ
- Գ. ՄԿՐՏՉՅԱՆ
- Մ. ՄՆԱՅՅԱՆ
- Ն. ՄՈՒՇԵՂՅԱՆ
- Կ. ՆԵՐՍԻՍՅԱՆ
- Թ. ՍՈՒՎԱՐՅԱՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ ԱԽՈՒՐՅԱՆ
ՀԱՄԱՅՆՔԻ ՂԵԿԱԿԱՐ**



Զ. ՄԱՆՈՒԿՅԱՆ

21 դեկտեմբերի 2023 թվական
գյուղ Ախուրյան